

Վանաձորի Ա.Խլդաթյանի անվ. համար18 միջն. դպրոց /ՊՈԱԿ/
կենսաբանության ուսուցիչ՝ Գայանե Վարդանյան

<< ԷԿՈ բնապահպանական խմբակ >> -ի ծրագիր

Հիմնական դպրոցի 7-9 դասարանների սովորողների համար

Շաբաթական ժամաքանակ՝ 2

Ընդհանուր ժամաքանակ՝ 68

ԿԱՐԳԱԽՈՍ

<< Երբ կկտրվի վերջին ծառը, երբ կթունավորվի վերջին գետը,

**երբ կսպանվի վերջին թռչունը ,այդժամ դուք կհասկանաք,որ փողը հնարավոր չէ
ուտել... >>**

Նկարագիր /Բացատրագիր/

<< ԷԿՈ բնապահպանական խմբակը >> համարվում է արտադասարանական գործունեության կարևոր տեսակներից մեկը: <<ԷԿՈ բնապահպանական խմբակի>> պարապմունքները նպաստում են սովորողների բնապահպանական կարողությունների ձևավորմանն ու զարգացմանը և առարկայի դասավանդման ընթացքում ձեռք բերած գիտելիքների և հմտությունների ամրապնդմանը : <<ԷԿՈ բնապահպանական խմբակի>> -ի ծրագիրը ուղղված է սովորողի բազմակողմանի զարգացմանը և դաստիարակությանը, նրա ինտելեկտի կատարելագործմանը, մտահորիզոնի ընդարձակմանը, դիտողականության, հետազոտական ունակությունների զարգացմանը: Այն ուղղված է խոսքի տարբեր ձևերի զարգացմանը՝ երկխոսություն, նկարագրություն, բացատրություն, բնապահպանական պատմվածք և այլն: Տեսական և ակտիվ ուսման ձևերի համադրում /խաղ, զրույց, բանավեճ, քննարկում, արշավներ, էքսկուրսիաներ, թրեյնինգներ, կլոր սեղաններ, քայլարշավներ, էկոլոգիական բանավեճեր, բնապահպանական ակցիաներ/: ԷԿՈ ճանաչողական խմբակի պարապմունքները օգնում են,որ սովորողը կարողանա.

1) Նկարագրի բնության, բնակչության և տնտեսության միջև եղած փոխադարձ կապերը և դրանց արդյունքում ձևավորված համակարգերը. (ՀՊԶ IV /17):

2) Նկարագրի կայուն զարգացման էությունը, հիմնական գաղափարները ու դրանց փոխադարձ կապերը(ՀՊԶ IV /18):

3) Ստանա, վերլուծի, գնահատի և ներկայացնի անհրաժեշտ տվյալներ, առաջարկի վարկածներ (ՀՊԶ IV /29):

Հիմնական գաղափարները, որոնց վրա հիմնվում է ծրագիրը.

Գիտական – կենսաբանության, ֆիզիկայի, քիմիայի, աշխարհագրության և էկոլոգիայի հիմնական օրենքները, դրանց միասնությունը, կենդանական աշխարհի կապի անխզելիությունը, կենդանի օրգանիզմի կախվածությունը շրջապատող բնությունից և նրա ազդեցությունը էկոհամակարգի վրա:

Մանկավարժական — Այս տարիքում դեռահասների մոտ դեռևս բավարար չափով չի ձևավորված ինքնուրույն գործողությունների հմտությունները: Այդ պատճառով հանձնարարությունները ունեն այնպիսի բովանդակություն և այնպիսի խմբերից են կազմված, որ պահանջվող խնդիրները նրանք կարողանան լուծել, ինչը թույլ կտա նրանց այդ տարիքում այնքան կարևոր բարձր ինքնագնահատմանը և ինքնահաստատմանը:

Սոցիալական — Տեխնիկայի սրընթաց զարգացմանը զուգահեռ շատ կենդանի օրգանիզմների գոյությունը դրված է վտանգի տակ: Էկոլոգիական խնդիրները իրենցից մեծ վտանգ են ներկայացնում հասարակության, նրա ֆիզիկական և հոգեբանական առողջության համար: Այդ պատճառով էլ սովորողների մոտ կձևավորվի համագործակցային աշխատանք կատարելու անհրաժեշտությունը :

Նախատեսվում է դասընթացը կազմակերպել ակտիվ ուսուցման մեթոդներով: Հիմնական նյութը սովորողների կողմից յուրացվում է դասի ընթացքում: Դասի կազմակերպման հիմնական ձևերը տեսական և գործնական պարապմունքներն են: Համապատասխան թեման կարող է տրվել առարկայական առանձին մոդուլների միջոցով: Սովորողները որպես առաջադրանքներ կատարում են ուսումնահետազոտական աշխատանքներ և ուսումնասիրություններ էկոլոգիական տարբեր թեմաներով: Ուսուցման ձևերից են նաև արտադասարանական աշխատանքները, միջոցառումները, էքսկուրսիաները և արշավների կազմակերպումը դեպի բնություն, հիդրոէլեկտրակայաններ, ջերմակայաններ, տարբեր արտադրական ձեռնարկություններ:

Ցուցահանդեսների և ակցիաների մասնակցություն և կազմակերպում:

Նպատակը

1) Ներկայացնել բնապահպանական հիմնախնդիրները:

2) Ձևավորել և զարգացնել բնապահպանական խնդիրները լուծելու ունակություն և հմտություն :

3) Նպաստել հասկանալու էկոլոգիայի հիմնախնդիրների էությունը և սովորողների աշխարհայացքի ինքնուրույն ընտրության: Դաստիարակել քաղաքացիական դիրքորոշում և պատասխանատվություն մարդկության և բնական միջավայրի նկատմամբ

4) Արժևորել մարդու դերը բնապահպանական գործընթացներում :Արժևորել մարդու կյանքն ու արժանապատվությունը, կարևորել սեփական քաղաքացիական պարտքը, քաղաքացիական մասնակցության մշակույթը՝ որպես ժողովրդավարության կենսական հիմք :

Վերջնարդյունքները

ա/ Սովորողները կհմանան, թե ինչպես և ինչու է մարդը փոխակերպել շրջակա աշխարհը, տարրական գիտելիքներ կստանան մարդու և շրջակա միջավայրի փոխազդեցության ու իր կյանքում բնության դերի մասին :

բ/ Հոգատար վերաբերմունք կդրսևորի բնության հանդեպ :

գ/ Կարողանա օրինակներով հիմնավորել մարդու կախվածությունը շրջակա միջավայրից:

դ/ Հասկանա շրջակա միջավայրի աղտոտվածության (նաև թափոնների) հասցրած վնասը էկոհամակարգերին:

ե/Կարողանա մեկնաբանել սեփական և ուրիշների արարքների հնարավոր հետևանքները:

զ/ Կարողանա մեկնաբանել, թե ինչպես է մարդու գործունեությունն ազդում բնության վրա, թե ինչու պետք է խնայել բնական ռեսուրսները մարդու առօրյայում:

ը /կարողանա ճանաչել բնության հատուկ պահպանվող տարածքները, և առանձին բնական օբյեկտները, որոնք բնապահպանական, գիտական, կրթական, առողջապահական, պատմամշակութային, զբոսաշրջության, գեղագիտական արժեք են ներկայացնում

Պահանջվող նյութատեխնիկական բազան

SՀS գործիքներով հազեցած դասասենյակ , Էքսկուրսիաներ համար տրնսպորտային միջոց :

ԾՐԱԳԻՐ

/Թեմատիկ տարեկան պլանավորում

Հ	Բովանդակությունը	նպատակը	Ժամաքանակը	Նշումների համար
1.	Էկոլոգիա և բնապահպանություն հիմնախնդիրները	Համակարգել բնապահպանական գիտելիքները: Ձևավորել քննադատական: մտածողություն դրանց լուծման համար :	5	
2.	Բնապահպանության ոլորտի օրենսդրություն	Հասնել նրան, որ սովորողները իմանան, հասկանան ինչին է ուղղված բնապահպանության օրենսդրությունը:	6	
3.	Ծանոթացում ՄԱԿ-ի Կայուն Ջարգացման Նպատակներին	Ձևավորել, ամրապնդել, ունակություններ ՄԱԿ –ի ԿԶ նպատակների իրագործման համար :	6	
4.	Ջուր, ջրվորս	Ընդհանրացնել ջրի մասին ունեցած նախնական գիտելիքները : Ձևավորել հմտություններ ջուրը մաքուր պահելու և խնայողաբար օգտագործելու համար:	8	
5.	Օդ, մթնոլորտ, մթնոլորտի աղտոտում, ջերմոցային էֆեկտ, օզոնային շերտի քայքայում և կլիմայի փոփոխություն	Ընդհանրացնել օդի, մթնոլորտի աղտոտման մասին մասին ունեցած նախնական գիտելիքները: : Ձևավորել, ամրապնդել .մթնոլորտը մաքուր պահելու .. ունակությունները:	10	
6.	Մաքուր միջավայր, ամուր առողջություն	Հասնել նրան, որ սովորողները արժևորեն	5	

		միջավայրի դերը առողջ լինելու համար :		
7.	Էներգախնայողությունը և շրջակա միջավայրի պահպանությունը	Նպաստել Էներգիախնայողության հմտությունների զարգացմանը:	5	
8.	Ինչ է թափոնը:Թափոնների տեսակավորում	Ձևավորել թափոնների տեսակավորման հմտություններ,նպաստել աշակերտների՝ շրջակա միջավայրի հանդեպ հոգածության և հմտությունների ձևավորմանը:	4	
9.	«Էկոլոգիական սնունդ» ավանդականից անցում օրգանականի	Ձևավորել առողջ սննդի օգտագործման կուլտուրա: Նպաստել սովորողների գիտելիքների զարգացմանը. ԳՄՕ –ի թերությունների և առավելությունների մասին :	4	
10	Բնության հատուկ պահպանվող տարածքներ	Ձևավորել, ամրապնդել կարողություններ տարբերելու բնության հատուկ պահպանվող տարածքները ըստ նշանակության և օգտագործման	4	
11	Հետազոտական աշխատանքի թեմաների ընտրություն	Նպաստել հասկանալու Էկոլոգիայի հիմնախնդիրների էությունը, խթանել սովորողների աշխարհայացքի ինքնուրույն ընտրությանը:	1	

12	Շրջակա միջավայրի մոնիթորինգ:	Ձևավորել և զարգացնել բնապահպանական խնդիրները լուծելու ունակություն և հմտություն:	7	
13	Հետազոտական աշխատանքի ներկայացում	Զարգացնել բնապահպանության հիմնախնդիրները ներկայացնելու կարողություն, հմտություն :	3	

Օգտագործված գրականության ցանկ

1. Խ. Միրիմանյան, Բնության պահպանության հիմնական խնդիրները, 1979թ.
2. Էներգախնայողություն, Ազգային լրացում, Հայաստան՝ ԷՌՕԴԾ, 2006թ.
3. Ո. Մարուխյան, Ա. Հովսեփյան՝ Անձի էկոլոգիական կուլտուրան՝, 2005թ.
4. Միտք սերմանելը նույնն է, թե ծառ տնկես՝, բնապահպանական կրթության ձեռնարկ, 2007թ.
5. Մ. Դավթյան «Շրջակա միջավայր և բնապահպանություն», 2010թ.
6. Ամսագիր «Բնագետ»
- 8 <https://nabu.am/hy/news/159>
- 9 <https://www.arlis.am/documentview.aspx?docid=149788>

